

1255, agost, 16

Jusiana, viuda de Pere de Cervera, fa donació al monestir de Sant Daniel del delme de Setcases.

ASD núm. 168, perg. orig., 152 x 195 mm. Hi ha còpia de 1258, closa per Bernat de Vic, notari de Girona, 122 x 275 mm, i una altra de 1601, closa per Pere Mir, notari de Girona, 490 x 230 mm, que conté altres dues escriptures. Còpia simple: Llibre de capbrevacions de Setcases, núm. 9, ff. 11-12.

Notum sit omnibus quod ego domina Iusiana, uxor condam Petri de Ceruaria, per me et per omnes meos successores, gratis et ex certa sciencia, ob remedium anime mee ac parentum meorum et omnium fidelium defunctorum, dono in donacione inter uiuos atque offero domino Deo et monasterio Sancti Danielis Gerunde et conuentui eiusdem loci presenti et futuro in manu et potestate de te domina Berengaria, Dei gratia eiusdem loci abbatissa, totam illam decimam meam quam habeo et teneo et habere debeo et quidquid iuris ibidem habeo et habere debeo, tam hominia seu dominia militum quam aliqua alia que michi competit uel competere possunt in ipsa decima, tam in pane quam in uino et carnatico et lana et caseis et canabo et lino et omnibus aliis redditibus. Est autem predicta decima in parrochia Sancti Michaelis de Septemdomibus, quam decimam ego teneo per dominum. Gerundensem episcopum ad feudum. Predictam siquidem decimam, cum omnibus suis integratibus et proprietatibus, ut superius dictum est, et prout melius potest dici et excogitari ad bonum et sanum intellectum cuiuslibet sapientis persone et ad utilitatem dicti monasterii et conuentus eiusdem, dicto monasterio dono et trado in presenti et te dictam abbatissam in corporalem et uacuam possessionem per me et per omnes successores meos mito, ad habendum et tenendum et omni tempore pacifice possidendum ad omnes tuas tuorumque uoluntates et dicti monasterii et conuentus eiusdem faciendas, saluo iure dicti domini episcopi et successorum suorum in omnibus. Predictam autem donationem facio dicto monasterio ut superius dictum est in perpetuum, hoc saluo et retento quod redditus dicte decime diuidantur inter conuentum eiusdem monasterii prout in meo testamento ego plenius ordinaui; et si aliquis in dicta decima aliquid tetigerit uel imparauerit seu forifecerit aut questionem mouerit, heres meus teneatur dicto monasterio dictam decimam facere tenere et habere in pace et esse deffensor et garent contra cunctam personam uiuentem in iudicio et extra iudicium; et <ad> predicta omnia facienda et complenda obligo filiam meam Agnetem et omnes alios heredes meos et omnia mea bona mobilia et immobilia habita et habenda ubique.

Actum est hoc .XVII. kalendas septembbris anno Domini .MCCL. quinto.

Sig+num domine Iusiane predicte, qui hoc firmo et lauda. Sig+num Bernardi de Uilaert. Sig+num Raimundi de Uilaert. Sig+num Raimundi de Iuiano, militum, testium. Ego Petrus, Dei gratia Gerundensis electus, subscribo*.

(s. man.) Bernardus de Iouello, publicus scriptor Castrifolliti qui hoc scripsit et in .X.
linea superius "ex".

Extret de: Marquès, Josep M., ed. Col·lecció diplomàtica de Sant Daniel de Girona (924-
1300). Barcelona: Fundació Noguera, 1997. 344-335